

摘藻堂四庫全書薈要

集部

欽定四庫全書薈要卷一萬四千六百十七

集部

傳家集卷九

宋 司馬光 撰

律詩四

和何濟川漢州西湖雜詠十七首

清風臺

太守金閨客天朝應對才非因板輿戀寧駕使車來水
鑑秋毫盡霜鋒錯節開清風徧千里不獨此高臺

佇月亭

燈火動魚磯湖邊過鳥稀孤蟾久未上五馬不成歸長
嘯風生座高吟露滿衣閒情無日厭岸幘對清暉

藥圃

三蜀膏腴地偏於藥物宜小畦千種聚春雨一番滋山
相慙多識桐君未徧知他年似胡廣養壽復扶衰

竹塢

二何迹相繼竹塢日陰森

濟川詩注云前守何修撰不伐西湖竹予亦遵之

欲

識養民意先觀愛物心低垂樽俎冷密映管絃深勿恠

湖光少年來碧影侵

射棚

疊鼓花前急紅旌竹外高驚颺分白羽餘響振烏號壯
觀傾春陌謹聲涌夜濤因茲刑禮俗豈獨事遊遨

玉徽亭

房公昔漂泊置酒此鳴琴人事有憂樂山光無古今風
流俱寂寞結構尚蕭森松竹含虛籟猶疑絃上音

書樓

使君有書癖記覽浩無涯况此孤樓迥端無外物譁橫
肱欹曲几搔首落烏紗此趣人誰識長吟牕日斜

朔會堂

朔旦集俺吏茲堂簪組繁舞空孤鶴下映日兩鳬翻花
散東方騎萍浮北海樽須知太守貴鏡吹引朱輪

浮觴亭

曲水華榭下浮觴去復還浪搖花影碎日射酒缸殷滅
沒遙尋客徘徊怯度灣窮歡不知醉清泚照心顏

清燕亭

波澄蔭羣木永日湛清華
碧篠靜秋色白蘋低晚花
松聲工醒酒泉味最便茶
外事付丞掾無妨風景嘉

流芳橋

橋下流芳度餘春日夕催呼人
洗樽罍招客藉莓苔倚
柱時流滯隨波乍往迴
仙家如不近安得此花來

曉景亭

簾櫳分曉色遠樹子規啼
濃露侵衣冷晴烟壓水低
神

遊靈境健身入畫圖迷衙吏無煩報河洲鷺正棲

假山

廣漢土平遠已嫌丘壑疎呼工刻巖洞應手出庭除縹
渺神仙宅嵌空虎豹居人功與天力秀絕兩何如

探花橋

橋邊春意近五馬屢徘徊湖水旦暮綠林花早晚開適
因嘗酒到又為賦詩來借問雙華表經過日幾回

樂軒

繁絃凝綠水疊鼓摻漁陽風結舞初急塵飛歌正長鳬
鷺爭上下棟宇為低昂太守且安坐新聲未遽央

坐船

使君張皂蓋高宴碧湖心苒蒨牽菱蔓夷猶泊柳陰晚
風侵坐冷春浪沒篙深倒載歸何晚波間夕照沈

枇杷洲

周官歛珍味

場人掌國之場圃而樹之果茲珍異之物
以時歛而藏之鄭康成曰珍異蒲桃枇杷

之屬漢苑結芳根

初修上林苑羣臣遠方各
獻名果異樹有枇杷十株

何意荒洲上

猶餘嘉樹存
犯寒花已發
迎暑實尤繁
願逐蒲萄使
離宮奉至尊

寓泊鄭圃寄獻昌言舍人

旅食緇衣館
飄蓬恍自迷
樹橫寒霧遠
山隱古原低
愁暮空庭雀
驚晨別墅雞
故人何處在
依約玉繩西

奉和始平公憶東平二首

相印東臨汶
水陽兩看春
葉與秋霜登
山置酒延鄒
湛上馬回鞭
問葛強谿竹
低垂寒滴翠
露荷相倚淨
交香

宵衣深念長安固肯得從容傲醉鄉

千巖秀色擁晴川萬頃波光上下天
委地魚鹽隨處市蔽空桑柘不容田
訟庭虛靜官曹樂儒服寬長邑里賢
不為從知方負羽獨乘魚艇老風烟

和運使舍人北園餞別行憇三交僧舍冒雪宿
百井關見寄

驪駒北上雪孱顏
矢前驅度漢關
僧室松杉清照眼
驛亭烟火迫依山
馬銜邊草枯猶瘦
鴈怯胡雲冷未還

賤子不須回首問鬢毛蕭颯簿書間

又和留題定襄驛

按節羊腸阪塞帷並塞州仁風熙愛日清德凜高秋甘
澤隨征蓋華星近戍樓佗年叱馭事直筆寄歆彪

又寄獻

承明共直廬瞬息八年餘幸託屏星駕前迎使者車跡
雖殊貴賤心不置親疎青眼披情素猶如相見初

自嘲

英名愧終賈高節謝巢由直取雲山笑空為簪組羞浮
沈乖俗好隱顯拙身謀惆悵臨清鑑霜毛不待秋

讀潁公清風集四首

伊臯垂訓皆王度周召陳詩盡國風非獨立言方不朽
相君功業自無窮

人生百歲隙中光唯有高名久不亡千古但令編簡在
清風養物一何長

佳城鬱鬱閔英靈幸有文章見典刑閱卷未終雙袖濕

目前髣髴對淵庭

一言華袞足為榮況託文編久愈明鄒湛不逢羊叔子

世間何處復知名

公集有遺
光詩數章

贈狄節推

國賓梁
公之孫

天馬雲孫在終然骨相奇泥塗辱雖久霜雪志難移白
髮無嗟老青衫莫厭卑為山已九仞高節肯中衰

感春

積草滿春庭衡門永晝扃波頭何事白柳眼為誰青榮

落浮雲度悲歡熟醉醒繁華非我物隨意任飄零

不寐

四遠寂然羣動收只餘嚴鼓度坊樓無由更續三更夢
何處飛來一點愁

雞

羽短籠深不得飛久留寧為稻粱肥膠膠風雨鳴何苦
滿室高眠正掩扉

皇祐二年謁告歸鄉里至治平二年方得再來

金野山人集卷九
宋九
愴然感懷詩以紀事

十六載重歸順塗歌式微青松弊廬在白首故人稀外
飾服章改流光顏貌非巫咸舊山色相見尚依依

辭墳

嘉祐元年通判并州因公事至絳私歸
拜墳不敢至夏縣而去於今十年矣

十年一展墓旬浹復東旋豈負襁褓愛橫遭章綬纏更
來知幾日遺恨恐終天慟哭出松徑悲風為颯然

謁三門禹祠

信矣禹功美獨兼人鬼謀長山忽中斷巨浸失橫流迹

與天地久民無魚鼈憂誰能報盛德空爾薦膠羞

巖巖青崖裂喧飀白浪豪客舟浮木葉生理脫鴻毛柏

映孤峯短水際孤峯甚細而高上有小柏者舊相傳不知幾何年矣而止長尺餘人莫測其理銘

書絕壁高唐太宗刻銘砥柱之陰魏鄭公撰字幾盈尺殘缺僅可讀河師不耕織容

易戲風濤

遊三門開化寺

山石古來色河流無盡聲行船自往返羣木幾枯榮狂
象調難伏空華滅復生我來何所得聊此濯塵纓

三月十五日宿魏雲夫山莊

先生嫌俗客猶與故鄉親
不惜烟霞地暫容纒鎖身
林廬深有徑雞犬四無隣
款款閣花墮蒼蒼古栢春
飯炊松粒細盤采蕨芽新
靜覺精神健閑知氣味真
谿泉冷毛髮山翠濕衣巾
竹色消醒易林聲破夢頻
客輪來去轍驛路古今塵
明日空回首白雲應笑人

聞道山家門鎮開
獨驅瘦馬出塵埃
白雲明月先無約
何事今宵亦此來

留別逢吉

君念承明臭味稀，相逢惜別重依依。
會稽太守方坐嘯，

東郭先生還步歸。

嚴助朱買臣皆為會稽守，東郭先生孝武時待詔公車。

樂飲林

塘，留節物餞行里舍，動光輝。雙旌迴去，行人發，一帶長

臯，烟雨微。

陝城桃李零落已盡，硤石山中今方盛。開馬上

口占

西望飛花千樹暗，東來芳藥一番新。行人不惜泥塗倦，

金匱要略卷九
喜見年光兩處春

自澠至洛循穀水行百餘里

已煩穀水遠相送更得嵩峯遙見迎水碧峯青看未足
却愁前到洛陽城

田橫墓

在偃師西

昔時南面並稱孤今日還為絳灌徒忍死祇能添屈辱
偷生不足愛須臾一朝從殉傾羣客千古生風激懦夫
直使強顏臣漢帝韓彭未必免同誅

登平陸北山回瞰陝城奉寄李八丈學士使君

二十二韻

漢家二千石體望向來尊
况復嚴徐客從前
益稷孫公侯貴不絕禮
樂器長存符竹臨分陝
聲光應列藩
親闡先契重三司同僚子舍近交敦滑州同幕柏壘依仁域
棠陰接故

園懷歸聊露請予告
辱推恩荷役煩
疆候停車下郡門
惟廡紛大館
駟騎屈朱轡
不以黎苗待還將
臭味論森羅
牢禮重滅裂俗儀
煩霜霽威嚴
息春生笑語
溫草微

侵碧甃塵不染華軒日影搖雲棟風痕過玉樽落塵歌
迥出激楚裊雙翻雅戲象交局珍肴熊薦踏河梁低首
路汾曲訪吹塤舉手辭雙戟騰裝改北轅烏飛城樹曉
鴈泊野蕪暄耿耿清標闊泔泔宿酒昏百蟠紫阪道數
里豁川原跋馬風塵外依稀鼓吹喧

負村坂

其東八政水即古之傅巖有傳說
廟又東北虞城古虞公之國也

穹谷鬱盤紆河瀕陝北隅泉流涓不絕岡勢儼相扶初
旭紛高下空烟似有無石灘醒耳快嶠樹窳雲孤天霽

嵐光活人稀草色蘇牧兒歌自若樵子遠相呼壞道傍
連傳空城右指虞窮巖今寂寞蔓草只蕪荒野店寒餐
澁山程瘦馬瘡物華供興趣亦是慰崎嶇

頃為諸生常受經於錢文學賦於張丈今廼叨
忝同為侍臣蒙錢丈置酒張丈賜詩愧悚之
深言志為謝

疇昔勝冠日曾為絳帳生九言聞善教一顧得虛聲不
意叨嚴近於今接老成寧須詩酒賜侍坐已知榮

次韻和韓子華寒食休沐與諸公同會趙令園
暮歸馬上偶成

冠蓋連翩陌上來風光爛漫擁樓臺玉卮貯酒隨宜飲
綺席尋花觸處開小雨前宵先潑火季春明日又吹灰
須知勝集人間少惆悵金羈容易迴

景仁召遊東園馬上口占

適野自可愛况逢佳主人馬穿官柳影衣拂帝城塵物
外誰知樂樽前別有春年華已消歇歷歷見松筠

贈河中通判朱郎中

壽昌侍郎巽之子。襁褓中，母劉氏被出。壽昌長而訪

之，不能得。熙寧中，知廣德軍。年五十，

闕

醫身自訪，求得於同州，為民党氏妻。

闕

歸

奏授封邑。壽昌，揚州人。以其母子

孫俱在同州，故折資通判河中。

陟屺今將老，扶牀昔未行。旨甘無所展，朱紫

闕

里

巷傳呼入比隣，失涕驚方知。貫金石，何以易精誠。

蘇才翁子美有贈扶溝白鶴觀黃道士詩，紀于

屋壁。歲久漫滅，今縣宰周同年得完本於民

間，抵予求詩。

潦倒黃冠無足論
白頭嗜酒住荒村
狂名偶為留詩著
陳迹仍因好事存
金石鏘洋虛殿寂
龍蛇灑落古牆昏
飛黃滅沒浮雲外
疲馬何能望駿奔

長垣道中作

極目王畿四坦然
方輿如地蓋如天
始知恃險不如德
去殺勝殘已百年

再使河北

桑麥青青四月初
皇華使者又脂車
為臣豈得辭王事

只向金鑾坐讀書

河北道中作三首

綠柳陰中白浪花
河邊日日暗風沙
解鞍縱馬悄無事
隱几看書隨處家

河勢東迴今幾年
濃陰滿目盡桑田
川原變化無終極
一氣不為常寂然

原上累累古塚高
昔時意氣盡賢豪
斷碑名姓已磨滅
永日東風吹野蒿

夜發長垣

長塗暑氣劇永日卧郵亭晝伏如墻鼠宵行似野螢歇
鞍沙月白拂面柳風醒歷歷瞻雲漢誰為二使星

和景仁瓊林席上偶成

時原與禹玉景仁次道
之子同時登科在席

念昔瓊林賜宴歸綵衣祿綬正相宜將鵲雖復慰心喜
負米反成觸目悲殿角花猶紅勝火樽前髮自白如絲
桂林衰朽何須恨幸有新枝續舊枝

早朝書事

太白明如李東方三丈高晨光孤照闕霧氣濕侵袍槐
柳經霜慘驛驢得路豪素餐無小補俛仰愧金鰲

登長安見山樓

到官今十日纔得一朝閒歲晚愁雲合登樓不見山

和吳仲庶寄吳瑛比部安道之子壯年致政歸

隱蘄春

負米承親願已賒

遭母憂服除遂致仕

耻隨鷄鶩啄泥沙一朝投

紱真高士萬卷藏書舊世家齒髮未衰非藥物山林不

返為雲霞龐眉尚有郎潛者狗祿憂生直可嗟

別長安

暫來還復去夢裡到長安可惜終南色臨行子細看

初到洛中書懷

三十餘年西復東勞生薄宦等飛蓬所存舊業惟清白
不負明君有樸忠早避喧煩真得策未逢危辱好收功
太平觸處農桑滿羸取閭閻鶴髮翁

和景仁題崇福宮

歷歷山頭雪泠泠松下風樽中亦有酒恨不與君同
不獨山頭白人頭亦垂素積雪有時消青山色如故

早行

寒犬吠柴門荒鷄鳴遠村河聲空自急月影不曾渾木
末星猶白榛中露已繁客心獨惆悵四顧與誰言

酬終南閻諫議

詢字
議道

見寄

齒衰心力耗揣分乞西臺微祿供多病閒官養不才弊
廬容嘯傲清洛伴歸來故友猶相念寒光生死灰

寄成都吳龍圖同年

照席燭花煖隨車
劍騎寒江山資秀
句風月助清歡
政簡坤維靜仁深
井絡安行歌與獨
酌豈得並閒官

花庵獨坐

荒園才一畝意足已為多
雖不居丘壑常如隱薜蘿
忘機林鳥下極目塞鴻過
為問市朝客紅塵深幾何

秋夜

浮雲一消散星斗粲長天
浩露灑翠柏清香生白蓮
體

涼猶衣葛耳靜已無蟬坐久羣動息秋空唯寂然

平日遊園常策筇杖秋來發篋復出貂褥二物
皆景仁所貺覩物思人斐然成詩

筇杖攜已久貂褥展猶新漸染岷山雪掃除京國塵危
扶醉歸路穩稱病來身賴此齋中物時如見故人

雲

晴空碧於水那得片雲飛映日成丹鳳隨風變白衣去
來皆絕迹隱顯兩忘機天理誰能測終然何所歸

閑來

閑來觀萬物隨處可逍遙魚為貪鉤得蛾因赴火焦碧
梧飢驚驚白粒飽鷓鴣帶索誰家子行歌復採樵

贈邵堯夫

家雖在城閑蕭瑟似荒郊遠去名利窟自稱安樂巢雲
錦白石洞鶴立碧松梢得喪非吾事何須更解嘲

花庵多牽牛清晨始開日出已瘁花雖甚美而
不堪留賞

望遠雲凝岫粧餘黛散鈿縹囊承曉露翠蓋拂秋烟嚮
慕非葵比彫零在槿先才供少頃玩空廢日高眠

花庵二首

誰謂花庵小纔容三兩人君看賓席上經月有凝塵
誰謂花庵漏徒為見者嗤此中勝廣廈人自不能知

和楊卿中秋月

秋氣平分夜沈陰乍散天窺林初淡薄照席忽孤圓冷
入詩毫健光浮醉弁偏嘉賓勿輕去桂影正娟娟

樂

吾心自有樂世俗豈能知不及老萊子多於榮啟期緼袍寬稱體脫粟飽隨宜乘興輒獨往攜筇任所之

和邵堯夫秋霽登石閣

飛簷危檻出林端王屋嵩丘咫尺間獨受高明遊佛閣
豈知憂喜滿塵寰目窮蒼莽纖毫盡身得逍遙萬象閒
暇日登臨無厭數悲風殘葉已珊珊

先生冬夏俱不出

和河陽王宣徽

拱辰字君貺

九日平嵩閣宴集

九日英僚集千秋勝賞同飛橋貫河渚危閣壓霜風金
散黃花泛雷驚疊鼓通百峰高鳥外萬里寸眸中檻底
臨丹葉杯中倒碧嵩來雲低拂座去鴈遠沈空吹帽陪
遊阻搖旌結想叢風流免堙滅鄒湛倚羊公

和任開叔觀福嚴院舊題名

墨蹤塵淡鬢華新猶喜重來值故人二十二年如轉目
洛陽不改舊時春

柏梯寺

鑿石開蹊踐登崖置閣危笑談空谷應步武白雲隨衆
壑如翻浪鄰州若布棊何當遂棲隱身世兩相遺

重過華下

昔辭蓮幕去三十四炎涼舊物三峯雪新悲一鑷霜雲
低秦野闊木落渭川長欲問當時事無人獨嘆傷

和李君錫惠書及詩勉以早歸

書意勤渠詩意新清如白雪暖如春西遊不盡谿山樂
策馬歸來就故人

和君錫雪後招探春

莫嫌微雪壓梅芽已有歸鴻泊浦沙
天上詔來難久駐直須早看洛陽花

又和早春夜雪

繁雲回夜色凌亂落春雲虛幌寒相襲
華堂靜不聞玉卮深可敵銀燭近微分
誰念牛衣客窮經白髮紛

醉

厚於太古暖於春耳目無營見道真
果使屈原知醉趣

當年不作獨醒人

雪夜取酒

雪意久未就寒雲低不收飄揚挿孤幟迢遞映高樓試
假賢人濁聊攻客子愁呼童攜小榼更準黑貂裘

留別東郡諸僚友

際日浮空漲海流蟲沙龍蜃各優游津涯浩蕩雖難測
不見驚瀾曾覆舟

白壁紫金為世寶賢愚知貴莫能名廟堂祭器杯盤物

隨處得之光彩生

楚國良金百鍊精
深藏求售價連城
豈徒豐獄吹毛利
兼有秦臺照膽明

祖帳飄揚隄柳邊
北來飛蓋復連翩
追隨不忍輕言別
回首城樓沒晚烟

空府同來賢大夫
短亭門外即長塗
不辭爛醉樽前倒
明日此歡重得無

追和張學士從沂公遊廣固城

蒼鵝集宋幕遊鹿上燕臺羈氣山河盡王師江漢來重
圍經歲合嚴鎖夜深開廢殿餘沙礫頽牆翳草萊清時
間千歲良牧借三台獄市乘餘暇蕪城賦上才

去歲與東郡幕府諸君同遊河亭望太行雪飲
酒賦詩今冬罷歸京邑悵然有懷

疇昔追清景狂吟忘苦寒河水塞津口山雪照林端健
筆千篇富醇醪一醉歡困猶揮落塵暝不顧歸鞍多是
光陰駛離羣會合難誰知塵滿袖今日客長安

貢院中戲從元禮求酒

太常博士畢田

顧我虛罍耻知君餘瀝多庭前有春雪如此薄寒何

石昌言學士宰中年日為詩見寄久未之答今

冬罷武成幕來京師此詩謝之

昔年三月浪鱗翼化風雷竹箭流俱上芙蓉幕對開

釋褐

昌言除同州推官光華州判官

潘泉揚沸渭秦華聳崔嵬棒檄容歸省

飛觴復屢陪

時先人知同州光以吏事時往省覲復得與昌言遊

芬芳襲芝室嘉

慶侍蘭堦吳璧評殘筆隋碑讀漬苔

同州龍興寺即隋文帝故宅寺有李

德林撰碑國公吳道子畫畫或
未就而止云以俟後之能者

清陰依玉樹和氣樂春

臺薄宦俄成別私門忽遇災一朝捐綵服五載泣麤縗
季路還從仕任安獨見哀近畿須健令劇邑試長才過
目全牛解迎鋒巨枿摧雉留乘蔭伏蝗避境苗迴時得
鳴琴暇仍飛麗句來正知榮篋笥無足報璿瑰統鼓俄
攀鄧安車已召枚賦成平樂館燕奉柏梁杯自顧誠駑
緩于今尚草萊履穿羞路雪蓋敝怯京埃儻借餘光便
炎風動死灰

昌言見督詩債戲呈絕句

學餒才貧杼軸勞
踰年避債負詩豪
倒囊不惜償虛券
未敵瓊瑶舊價高

靜夜

午夜空齋四悄然
清寒透骨不成眠
秋風故揭疎簾起
正漏月華來枕前

春

紅桃素李競年華
周徧長安萬萬家
何事青青庭下柏

東風吹盡亦無花

寄題陟岵寺

鄭南峯下寺前軒
反景分明見渭川
為報十年容易別
於今愁瘁不如先

寄鄭縣史令千之

前君為白馬尉廡舍前即南浦今西溪封內勝地也

憐君比比得佳縣
勝槩閒情雙有餘
為看西溪日沈後
如何南浦月生初

長春宮柳遠扶疎
新樹應多舊已枯
蠹柱苔牆偏寄歷

古亭猶有杜詩無

閏正月十五日夜監直對月懷諸同舍二首

霧淨金波溢天開碧幕空夜寒雖料峭春意自冲融
熠枝上露脩脩竹杪風暫還林野興不似畜樊籠

澹薄春雲散低昂北斗橫微分漢津鴈靜識建章更濁
酒憐虛爵高文憶友生前軒空不掩悵息負孤清

歸鴈

亦知南國稻梁肥水滿春江努力歸聞道楚人繒繳細

平沙短草盡藏機

金
夕
日
人
々
一

卷
九

傳家集卷九

謹案卷九第五頁前四行獨乘魚艇老風烟刊本
艇訛艇今改

第二十一頁前七行復得與昌言遊刊本得訛德
今改



總校官庶吉士臣侍朝

校對官監丞臣張魯炳

校對官庶吉士臣何思鈞

謄錄監生臣陳燦

謄錄監生臣茹灃

欽定四庫全書薈要

集部
傳家集卷十一



詳校官助教臣常循

欽定四庫全書薈要卷一萬四千六百十八


集部

傳家集卷十

宋 司馬光 撰

律詩五

贈祖擇之


榮與辱百變似浮雲自有窮通定徒勞得喪分消
愁唯有酒娛意莫如文方寸常蕭散其餘何足云

和宋子才致仕後歲旦見贈

閒官逢獻歲拜揖亦紛然須信家居日方為已有年劬

勞中外徧名迹始終全伯玉空搔首蹉跎愧在前

上元書懷

老去春無味年年覺病添酒因脾積斷燈為目阿嫌勢
位非其好紛華已久厭唯餘讀書樂暖日坐前簷

喜才元過洛小詩招飲

素髮各垂領舊交相見稀不唯春物好況是錦衣歸洛

社凍醪熟

詩傳春酒凍醪也

伊魴絲鱠肥

唐人諺曰洛鯉伊魴貴於牛羊

南軒

已灑掃命駕不須違

仲庶同年兄自成都移長安以詩寄賀

蠶叢龜印解鶉野隼旗新
借問錦江樂何如興慶春
驪歌遮去轍竹馬望行塵
惠政如膏雨遙知彼此均

西臺詩二十四韻

翰苑昔陪侍天光辱顧瞻
寵雖承渙汗功不立毫纖
山鹿纓頻頓鈎刀礪不銛
拭花眸子缺撚雪頰髭添
跼影慙尸素胡顏處禁嚴
辭盈雖免戾取少詎因廉
定鼎分都異張官執法兼
剡章愚懇盡出綽茂恩霑
原憲非無

粟胡威尚有縑求田近瀍洛買宅混閭閻地僻宜花卉
兒勤付米鹽倦遊良足悔居吉不煩占裘葛膚無見困
倉飯屬饜僧居閒可借野步靜無嫌行樂筇枝瘦延賓
稻醴甜麥田泥試屐桑陰帽低簷愛竹忙猶種貪書老
未厭松烟溪石潤檀爇博山尖牋啓來慵拆衣冠脫怕
拈紫毫斜倚架黃卷密垂籤涸轍猶蒙潤寒灰免附炎
所憂資秩滿但願歲時淹自是散無用非為智養恬聖
朝英彥富幸許一夫潛

和邵堯夫年老逢春

年老逢春春莫咤
朱顏不肯似春回
酒因多病無心醉
花不解愁隨意開
荒徑倦遊從碧草
空庭慵掃自蒼苔
相逢談笑猶能在
坐待牽車陌上來

和范景仁謝寄西遊行記二首

洛川秦野鬱相望
風物山河舊帝鄉
澗底逢人問樵徑
松間繫馬宿僧房
恨無同好携三雅
共講前聞醉百場
李白詩痛掃鸚鵡
洲與君醉百場
歷徧勝遊翻悵望
日邊回首遠烟蒼

八水三川路渺茫翠微深處白雲鄉目眩懶拭如松液
領髮頻抓似栗房林壑不嫌無用物形骸難入少年場
緣苔躡蔓知多少千里歸來屐齒蒼

獨步至洛濱二首

拜表歸來抵寺居解鞍縱馬罷傳呼紫衣金帶盡脫去
便是林間一野夫

草軟波清沙徑微手攜筇竹著深衣白鷗不信忘機久
見我猶穿岸柳飛

送酒與邵堯夫

紅櫻零落杏花開
春物相催次第來
莫作林間獨醒客
任從花笑玉山頽

再和邵堯夫年老逢春

年老逢春猶解狂
行歌南陌上東岡
晴雲高鳥各自得
白日遊絲相與長
春色無情盡眼綠
花林多思襲人香
吾儕幸免簪裾累
痛飲閒吟樂未央

又和來韻

年老逢春無用驚對花弄筆眼猶明不嫌貧舍舊來燕
喚起醉眠何處鶯一僕相隨幅巾出羣童聚看小車行
人間萬事都捐去莫遣胸中氣不平

邵堯夫許來石閣久待不至

淡日濃雲合復開碧嵩清洛遠縈迴林端高閣望已久
花外小車猶未來

石閣春望

極目千里外川原繡畫新方知平地上見不盡青春

和邵堯夫安樂窩中職事吟

靈臺無事日休休安樂由來不外求
細雨寒風宜獨坐
暖天佳景即閒遊
松篁亦足開青眼
桃李何妨插白頭
我以著書為職業
為君偷暇上高樓

和范景仁聞蟬

春林滿巖綠誰信已鳴蟬
葉上正多露山中別有天
心閒寧感物道合況忘年
坐聽生秋思何須膝上絃

和范景仁宿憇鶴寺

回廊複閣勢紫紆四嶺中涵一氣虛最愛欣欣向榮木
每來相見不相疎

遊噴玉潭

其日大風

驚風動地起遊客望山林若待佳辰去應無好事名
萬木吼穹谷駑駘屹不前猶勝望塵客佇立九衢邊

和范景仁

昨朝景氣如暑天僮僕流汗衣裘單安知向曉暴風作
一變陽春成大寒比時結友尋名山伶俜徒步水石間

棘刺冒衣行路難枯藤壽柏同攀援驚沙擊眼百箭攢
時得閑窺林巒景仁年長力更孱牽衣執手幸不顛

仍聞旁谷有伏虎賴得與君俱早還

遊山呈范景仁

景仁年六十三致仕

我祿多龔舍

舍為吏不過六百石輒自免去

君年少孔戣

戣七十致仕韓愈留之

道心閒始見世路老方知山水不相厭風光難豫期嬉
遊不可緩花卉即離披

和范景仁遊壽安

宜陽城下作遊人都為衣冠不繫身衆竅怒號成地籟
也勝終日在紅塵

噴玉潭

千尺崖頭一派清古今不絕墜崢嶸長風卷起散巖壑
此日方知噴玉名

疊石溪二首

澗旁行采藥石底卧題名

溪邊有石橫出下甚隘
景仁卧其下題名而去

野老

相迎拜谿童乍見驚

山鳥歡人飲

山多提壺鳥

山蟬笑我狂

山蟬聲如笑

歸時興未盡

不得看斜陽

和范景仁疊石溪

谿邊有村落未始識紛華去縣只數里居民踰百家山
腰荒徑轉谷口翠微遮老木紛無際重巒浩莫涯力窮
纔到頂勢盡復成窪不定雲烟色難名藥草芽泥鈞羅
比屋澗石載連車

谷口多斃窰土人自女几澗采石載來賣之為油

宛有淳風

在誰云太古遐梁隨木性曲簷逐地形斜榛路牛呼犢

卷十
叢祠雀噪蛇倚崖松偃蓋落石浪翻花安用遊青嶠何
須躡紫霞好將詩筆寫還入帝城誇已買漁樵舍毋令
後約差

應天院朝拜回呈景仁

鷄鳴上馬過河橋何異東都赴早朝紅日已高猶熟寢
比君殊未得逍遙

和景仁卜居許下

景仁頃見許居洛今而
背之故詩中頗致其怨

壯齒相知約歲寒素居今日鬢俱斑拂衣已解虞卿印

築室何須謝傅山許下田園雖有素洛中花卉足供閒
他年決意歸何處便見交情厚薄間

喜雨三首呈景仁侍郎獻大尹宣徽

累日增煩暑通宵結薄陰蒼忙變風色散漫作春霖野
店垂楊重僧房綠篠深踈慵猶得趣閉戶擁重衾
漠漠春雲合熾熾旱氣收人心方有望時雨不須求豈
獨老農喜仍令惡客留洛城花未謝作意更同遊
麥田正塵坌桑徑忽滂沱比屋起相告荷鋤行且歌園

林半肩鎖車馬絕經過大尹愛民物何妨喜更多

亨杞下第作詩示之

清白君家舊文章時態新何妨偶蹉跌未必遂沈淪莫
嘆科名晚惟憂道誼貧進修專在已得失盡由人孝友
亦為政簞瓢足養親那將少年淚容易輒傷春

景仁思歸雨未克行以詩留之

嘉客念歸程泥深未可行今朝陰又重春雨亦多情

送景仁至丁正臣園寄主人

客到暫開局春蕪生滿庭主人殊不顧修竹為誰青

和君貺老君廟姚黃牡丹

芳菲觸目已蕭然獨著金衣奉老仙若占上春先秀發
千花百卉不成妍

又和董氏東園檜屏石牀

密葉蕭森翠幕紆暫來猶恨不長居脫冠解帶坐終日
花落石牀春自如

奉同運使陳殿丞

知儉字公廩

惜洛陽牡丹為霜風

所損

名花多種欲紛敷，一夕霜風非所虞。
節物偶然何足道，人情遺恨不能無。
飄飄健筆詩千首，惆悵東風酒百壺。
縱使前春滿朱檻，使車那復滯西都。

又和惜春謠

朝來風雨歇，春意漠然收。
去我不辭訣，憑誰能借留。
杓星漸西轉，洛水自東流。
曲渚撤華幄，芳園罷彩毬。
雉鳴丘麥秀，蠶起野桑柔。
亂絮天涯滿，晴陽草際浮。
已嗟心緒

減況復鬢絲稠賴聽新翻曲非為負勝遊

劉伯壽坐中度曲命曰惜春謠

還陳殿丞原人論

宗密所撰破自然破元氣破天命明佛性

品物芸芸遊太虛不知誰氏宰洪爐一株花落分榮辱
萬竅風號見有無覺後共占猶是夢衣中所得亦非珠
何如鼓瑟浴沂水春服成時詠舞雩

和王秀才

虞仲字道濟

以光始自陝右遊山歸復將

登少室為詩見寄

瘦馬飄飄屢往還疲勞專為訪名山須知筋力行將老

漸恐峯巒不可攀
蠟屐早能尋勝槩
彈冠悔更落塵寰
幸依賢者為東道
大得逍遙水石間

和景仁西湖泛舟

滿船歌吹拂春灣
天外晴霞水底斑
誰信飛觴臨綺席
獨能回首望青山
東門車馬忽忽別
西洛風烟寂寂閒
疊石溪頭應更好
却輸野叟坐林間

新買疊石溪莊再用前韻招景仁

一溪清水珮聲寒
兩岸莓苔錦繡斑
三徑誰來卜隣舍

千峯我已作家山
鹿裘梨杖偏宜老
紫陌紅塵不稱閒
早挈琴書遠相就
放歌爛醉白雲間

貽夸者

我樂非君樂
君憂非我憂
蓬蒿與溟渤
終老不同遊

春遊

人物競紛華
驪駒逐鈿車
此時松與栢
不及道旁花

和潞公遊天章楚諫議園宅

名卿新治第
上宰舊連牆
槐蔭青青葉
星隣兩兩光
林

花裂錦狹門路築沙長共引庭間水交生壁外簷魚窺
薦琴石螢散讀書牀玉帳方懷遠松齋欲就荒旌幢今
少憇蘭蕙不徒芳早晚平狼望同來舉壽觴

還張景昱景昌秀才兄弟詩卷

韡韡新詩卷青春映棣華機雲今繼美載協舊承家幸
託仁人里時回長者車白虹光亂眼何敢議瑜瑕

和宇文公南塗中見寄

驄馬烏紗遊洛塵未能全得自由身深慙白首戀微祿

不向青山為散人，斥鷃卑飛聊取適。冥鴻高舉益難親，
蜀都迢遞千餘里。徒誦新詩妙入神。

酬張二十五秀才南園遺意

景昱字明叔

花卉日相續，朝昏興寄新。露荷香入座，風竹淨無塵。
嘯詠皆羣從，喧囂遠四隣。須知軒冕客，富貴不關身。

酬張三十秀才見贈

景昌字子平

樸學居人後，清塗忝衆先。瓠因無用棄，木為不才全。
比得林泉趣，仍依邑里賢。自慙頭半白，方解賦歸田。

八月十五日夜陪留守宣徽登西樓值雨待月
久不見

經歲待佳節無如陰霽何果然時雨足安用月華多未
免銀缸進空聞玉漏過庾公興不淺久為駐鳴珂

秋雨新霽遊水北馬上偶成

秋色與秋聲蕭然滿洛城未霜林葉赤新雨夜風清水
氣侵肌冷嵐光刮眼明誰云景如畫但恐畫難成

運使虞部按臨洛西諸縣因遊所過名山有詩

百餘首合為一篇蒙賜寵示俾之繼作一首
屬城窮僻地攬轡徧周流弊政已更化名山不廢遊鳴
騶留谷口輕屐歷巖幽聚者官儀者相扶半白頭

和君貺暮秋四日登石家寺閣晚泛洛舟二首

嬉遊乘曉霽登眺犯秋寒不出埃塵外安知在壤寬宮
前斷山碧林表落霞丹欲下惜佳趣相留更倚欄

右登閣

葉下宮槐老雲飛洛浦秋復陪元禮棹却望仲宣樓曲
岸迷頻轉遙山碎不流夷猶聊寓賞浩蕩得忘憂晨出

露漸徑昏歸月滿舟星河散寥廊珠貝映汀洲林館回
車入壺觴秉燭遊山公興未盡徒御且番休

右泛舟

又和六日四老會

萸房迎令節菊蘂入芳筵華燭初長夜清霜未冷天悲
風咽橫吹驟雨送繁絃聊附鄒枚客敢希園綺賢

和王少卿

尚恭字汝之

十日與留臺國子監崇福宮

諸官赴王尹賞菊之會

儒衣武弁聚華軒盡是西都冷落官莫歎黃花過佳節

且將素髮共清歡
紅牙板急絃聲咽
白玉舟橫酒量寬
青眼主公情不薄
一如省闥要人看

和白都官序見贈

齒疎鬢白兩眸昏
萬事無堪老病身
脫粟猶霑太倉祿
法官仍忝外臺臣
直緣迂僻求閒地
豈是孤高慕古人
英俊滿朝皆稷契
太山何必一飛塵

酬邵堯夫見示安樂窩中打乖吟

安樂窩中自在身
猶嫌名字落紅塵
醉吟終日不知老

經史滿堂誰道貧長掩柴荆避寒暑只將花卉記冬春
料非空處打乖客乃是清朝避世人

和邠守宋度支廸來卜居與南園為隣

弱冠交遊鬢髮蒼飽諳官況好深藏閒居共買一壩地
盡老常依數仞牆雖喜卜隣同晏子尚慙推宅異周郎
何時稅此憑熊駕倚杖相迎立路傍

和張文裕初寒十首

何處初寒好初寒邾鄆城垂紳多俊彥列第盡公卿裘

馬過從盛門闌灑掃清誰家擁獸炭盡是管絃聲
何處初寒好初寒洛汭宮翠華雖脉脉佳氣自葱葱闕
角月華白苑牆霜葉紅都人心望幸注目不離東

何處初寒好初寒洛水橋沙痕水清淺風葉柳蕭條闕
塞長塗直嵩丘倒影遙鳳樓雖在北車馬不塵囂

何處初寒好初寒太室山晴空烟澹泊返照雪孱顏極
目鴈稍沒無心雲自還猶餘拜表累不得坐松間

嵩山
去洛

近二百里五日僅能往
還以妨拜表未果往

何處初寒好初寒禹鑿門遙天路崖口輕浪漱山根萬
佛龕苔老一燈林靄昏漁梁杳相望石瀨夜聲喧

何處初寒好初寒噴玉泉折水流谷口飛溜落雲邊雀
噪聚林杪樵歌下石巔尋幽不思返坐嘯夕陽偏

何處初寒好初寒疊石溪山斜改昏曉路曲失東西拾
栗走村稚鑿垣巢乳雞我來閒擁褐曝背草簷低

何處初寒好初寒肅政臺官閒免簿領門靜少塵埃天
借風霜氣人無鷹隼猜庭荒餘老柏尚有夕鳥來

何處初寒好初寒遊奕園林間葉未盡籬底菊猶存結
竹為庵小開爐構火溫誰言處城市岑寂似丘樊

何處初寒好初寒福善居長宵對燈火滿室聚詩書暫
息登山屐休脂下澤車所安容膝地何必更多餘

遊奕
福善

皆坊
名

和君貺少林寺

達磨自云傳佛心緒言迷世到于今既攜隻履歸西域
安得遺靈在少林孤月正明高殿冷清風不斷老松深

謝公自愛山泉美肯為幽禪此訪尋

又和嶽祠謝雪題嶽寺平法華庵

宴坐幾何年庭蕪與砌連焚修真諦苦功行得無圓闕

平住庵不

里詩三百賴鄉文五千厭煩猶不讀何況淤泥蓮

出近四十年日誦法華經數十卷

望日示康廣宏

清晨三綠袍羅拜北堂高積善因先烈餘光及爾曹勿
矜從事早當念起家勞修立皆由已何人可佩刀

和君貺題潞公東莊

嵩峯遠疊千重雪伊浦低臨一片天
百頃平皋連別館兩行疎柳拂清泉
國須柱石扶丕構人待樓航濟巨川
蕭相方如左右手且於窮僻置閒田

和君貺任少師園賞梅二首

寒壓春頭草未芽喜聞置酒賞新葩
官儀赫奕三川守野意蕭疎四皓家
不用管絃妨淡薄豈容桃李競繁華
昏鴉散亂傳呼出歸路林間燭影斜

風日雖寒晝景長探春遠訪白雲莊岸冰猶在水先綠
柳葉未生條已黃老木根侵苔徑窄新梅花入酒卮香
天真不必人修飾得趣勿嫌臺館荒

又和開叔

寒梅犯雪榮大隱久專名異種生江渚何年到洛城

洛中

雖有梅開花常晚獨大隱梅最先開相傳好事者自江南移來今數十年矣

色如虛室白香

似主人清嚮使吳兒見不思菰菜羹

和公廩喜雪

用莊字韻

歸來河洛久愆陽
禱祀徒勞罄肅莊
林雪飛花欣暫白
麥田濡葉未全黃
城中稍覺桑薪貴
村外時聞社甕香
八使孜孜憫惇獨
斯民那復畏凶荒

和史誠之謝送張明叔梅臺三種梅花

別後相驚兩鬢霜
可憐梅藥為誰芳
臺頭日暖分三色
林下風清共一香
正爛漫時遊不足
忽離披去樂難常
慙慙手折遙相贈
不欲花前獨舉觴

早春寄景仁二首

辛夷花爛開故人殊未來愁看柳漸綠忍更折殘梅

去歲

景仁約辛夷花開即

來洛中芍藥謝乃去

疊石溪上春茅茨卜築新前言如不踐山蟬又笑人

和君貺宴張氏梅臺

京洛春何早憑高種嶺梅紛披百株密爛漫一朝開青
女工黏綴霜娥巧剪裁崑山雲滿谷蓬渚浪成堆勢擁
樽前合香從席下來蛻旌旌天起練甲洗兵回不使光
風散曾無夜色催人稠衣馥郁地狹舞徘徊民服召公

化時推何遜才

何遜有
早梅詩

淹留文酒樂
璧月上瑤臺

看花四絕句

洛陽相望盡名園
牆外花勝牆裏看
手摘青梅共授酒
何須一一具盃盤

洛陽相識盡名流
騎馬遊勝下馬遊
乘興東西無不到
但逢青眼即淹留

洛陽春日最繁華
紅綠陰中十萬家
誰道羣花如錦繡
人將錦繡學羣花

南園桃李近方栽澆水未乾花已開山果野蔬隨分有
交遊不厭但頻來

留別友生

野際共為別客亭芳草新何心更執酒滿目盡傷春今
古無窮路東西相背塵行行復回首不欲著鞭頻

二月六日初見待漏房前柳色微綠欣然成詠
宮城映出絲絲綠頓覺皇州春意回從此不辭驅瘦馬
六街終日踏塵埃

垂柳

天意清和二月初
春風不動整如梳
陶潛宅外時無此
想更蕭條不易居

閑居

故人通貴絕相過
門外真堪置雀羅
我已幽慵僮更懶
雨來春草一番多

中秋陪張龍圖讌射堂初夕陰雲酒行頓解喜
而成詠

飛蓋共徘徊西園高宴開秋雲惜明月留待庾公來

貽宋四行簡迪

離羣如幾辰屈指十青春不意輪蹄跡共茲京洛塵
文場投漆契客路轉蓬身別易相逢闊過從莫厭頻

和國子夏主簿李花

儒宮岑寂覺春閒仙李繁花重壓欄碎錦不飛蒙樹合
素雲歆亞舉枝難能詩此日當推謝捧賜他年足繼桓
更約雕盤薦秋實豈徒穠豔一朝看

欽定四庫全書

傳家集

傳家集卷十

欽定四庫全書薈要卷一萬四千六百十九

集部

傳家集卷十一

宋 司馬光 撰

律詩六

和君貺清明與上巳日泛舟洛川十韻

繁華兩佳節邂逅適同時雅俗共為樂風光如有期
曉烟新里巷春服滿津涯已散漢宮燭仍浮洛水巵
占花分設席愛柳就張帷華轂爭門去輕簾夾路垂
一川雲錦爛四座玉山欹疊鼓傳遙吹輕橈破直漪
清談何衮

袞和氣益熙熙想見周南俗當年播逸詩

和君貺寄河陽侍中牡丹

真宰無私嫗煦同洛花何事占全功山河勢勝帝王宅
寒暑氣和天地中盡日玉盤堆秀色滿城繡轂走香風
謝公高興看春物倍憶清伊與碧嵩

又和安園寺及諸園賞牡丹

洛邑牡丹天下最西南土沃得春多一城奇品推安國
四面名園接月波山相著書稱上藥翰林弄筆作新歌

人間朱粉無因學浪把菱花百徧磨

送酒與邵堯夫因戲之

前送牡丹藥苗堯夫皆有詩

林下雖無憂可消許由聞說掛空瓢請君呼取孟光飲
共插花枝煮藥苗

酬仲通初提舉崇福宮見寄

富壽安民舊學違符移擁筆素心非青雲有路那足顧
白髮滿頭胡不歸永日杜門無俗客臨風隱几得天機
西山爽氣秋應好恨不相從上翠微

酬君貺和景仁見寄三首

嬾拙無時用者朋，獨我思乘閒同把酒。
道舊各成詩，高義刮眼膜。
清風生鬢絲，方將激衰俗。
賤子獨何為？

北闕黃金印，西山白髮翁。
訐謨帝庭異，小築洛川同。
晴

野峯峯碧霜，林葉葉紅無。
因侍樽席惆悵，又秋風

右示宣徽

何事掛冠客，至今留帝臺。
紅塵終可厭，青眼不長開。
春

路半消雪寒枝初破梅，南園虛客席。
洒掃望公來

右 upper 侍郎

和王安之四絕句

野軒

黃鷄白酒田間樂
藜杖葛巾林下風
更若食芹仍暴背
野懷併在一軒中

汙亭

雜花亂種盤渦底
小屋深居鑑燧心
朝市囂聲那得到
晨昏暑氣不能侵

藥軒

雨餘條甲繞堦生
往往桐君昔未名
采貯不須勤暴篲

秋陽日日滿簷楹

晚暉亭

俯臨城市厭諠譁四顧園林更可加
醉立斜陽頭似雪

往來誤認白公家

樂天西樓獨立詩云身著白衣頭似雪時時獨立小樓中路人回顧應生

恠十六年來見此翁

喜雨呈明叔

蘊隆亦太甚蒼蔚不朝隲
直可憂秋廩非徒病夏畦
民心未能徹天造固難稽
黯淡雲纔族滂沱日未西
衣襟

坐來冷城闕望中迷園筍新梢活庭蕉濕葉低響從窗
破紙行喜屐生泥昨旦煩相報憑君謝竹雞
明叔家舊養竹雞故
之林中今蕃息頗
多俗以為雨候

六月十八日夜大暑

老柳蜩螗噪荒庭熠燿流人情正苦暑物態已驚秋月
下濯寒水風前梳白頭如何夜半客束帶謁公侯

閒中有富貴

閒中有富貴適以俗塵殊水淨齊紈展花繁蜀錦紆竹

風寒扣玉荷雨急跳珠可笑公孫衍酣歌誇丈夫

寄唐州吳辨叔二兄

方城古稱險遠在豫州南近歲汙萊闢新民秦晉參當
官誠近厚獲譴亦無慙但惜墻陰竹歸軒幾日驂

自題寫真

黃面霜鬚細瘦身從來未識漫相親居然不可市朝住
骨相天生林野人

和安之久雨

秋霖逢甲子禾耳恐須生流俗幸無驗高田猶有成潤
唯藜莠得爛與蕙蘭并早晚浮雲豁逍遙賦晚晴

和宋復古小園書事

飽食復閒眠風清雨霽天葉深時墜果岸曲乍藏蓮波
面秋光淨林梢夕照鮮東家近亦富滿地布苔錢

復古詩首句云獨步復靜坐輒繼二章

踽踽出東軒徐徐步小園何須從吏卒亦不引兒孫躡
屐尋莎徑攜筇撥水源愁聞俗客到唯說市朝喧

右獨步

一榻僅容膝身心俱寂然直緣知樂內亦不為安禪
几陳編掩竹窓殘局捐尚餘喧噪在野鳥與林蟬

右靜坐

光詩首句云飽食復閒眠又成二章

錢少何須萬杯多不過三龜腸本易足熊掌詎宜貪
散步竹齋外高吟柳徑南此心無所用脫粟亦深慙

右飽食

秋懷一事無暑盡晝涼初竹戶靜長閉藜牀安有餘
逍遙化胡蝶容易入華胥天上多官府神仙恐不如

右閒眠

和明叔九日

不奈衰鬚白羞看朝鑑明聊憑佳節酒強作少年情雨
冷弊裘薄風高醉帽傾如何不行樂況復值秋成

閒居呈復古

閒居雖嬾放未得便無營伐木添山色穿渠擘水聲經
霜收芋美帶雨接花成前日鄰翁至柴門掃葉迎

和明叔遊白龍溪

溪深荒徑微尋勝不知疲寒月影隨馬曉風冰滿髭行
歌被褐叟聚戲拾薪兒外野饒真趣令人懷抱夷

和景仁七十一偶成

心地長閑為已物年華不住是天時
當如海上乘槎客
維楫都無任所之

六十寄景仁

從來好與天爭力困竭方知已力微
見事晚於蘧伯玉
今知五十九年非

去春與景仁同至河陽謁晦叔館於府之後園
既去晦叔名其館曰禮賢夢得作詩以紀其

事光雖愧其名亦作詩以繼之

蓬飛匏繫十餘年並蔭華穰出偶然郭隗金臺雖見禮
華歆龍尾豈能賢浮雲世味閑尤薄寒柏交情老更堅
明日河陽即分首人生樂事信難全

與王樂道約會超化寺比至樂道以疾先歸塗
中有詩見寄

顛毛種種齒浮搖屈指交遊漸寂寥時較半朝非是晚
路無數里不為遥子猷垂到復歸去安道雖知未易邀

古寺徘徊久東望青春雲日冷蕭蕭

和王樂道再以詩見寄

諫垣簪筆接英遊今日華顛昔日憂邂逅升沈皆是命
逍遙出處本無愁衡門不羨金門貴藿食焉知肉食謀
溟海榆枋各安分蓬萊未必勝嵩丘

晚春病起呈擇之治臣

風日正和柔身輕喜病瘳嬾拋殘蠹簡暖脫弊貂裘值
客開青眼逢花忘白頭家家好春色何處可同遊

次韻和宋復古春日五絕句

雪霜衰鬢拔還生
桃李新園長未成
五十尚能勝六十
今年又減去年情

車如流水馬如龍
花市相逢咽不通
獨閉柴荆老春色
任他陌上暮塵紅

東城絲網蹴紅毬
北里瓊樓唱石州
堪笑迂儒竹齋裏
眼昏逼紙看蠅頭

家藏歌吹只西鄰
吹落梅花歌落塵
百葉桃開深院裏

輸他白髮有情人

驚拂人衣絮撲頭紅英滿地綠陰稠殘春舉目多愁思
休上迢迢百尺樓

酬宋叔達卜居洛城見寄

離羣四十一春風縱有相逢似夢中幸得相逢作鄰舍
但嗟彼此是衰翁漢文前席人將去

復古謫官不日羣復

庾信誅

茅橐未充

來詩云自笑顛狂便歸去並無穿繫買山錢

悵望金隄碧蕪閣杖

藜攜手幾時同

和王安之題獨樂園

草濃初過雨林靜遠含烟
鷺引新飛鵲荷承半墜蓮
朋來惟有月山見不須錢
誰與同其樂壺中濁酒賢

和吳辨叔知鳳翔見寄

岐陽府舍始相逢四十餘
春屈指中昔日布衣今露冕
當時小吏亦衰翁醉吟久
作藏身計條教應多及物功
惟是綵衣難再著長林極
目起悲風

和王安之今春於鄭國相公及光處得綴珠蓮

各一本植之盆中仲夏始見一花喜而成詠
末句云未知先合謝誰家

春凍消時種兩芽南風薰日見孤花先開必自陶鈞力
且合歸功丞相家

君貺環溪

地勝風埃外門深花竹間波光冷於玉溪勢曲如環禁
路回翔厭華軒嘯詠間堪羞謝太傅不復到東山

瞑目

瞑目思千古飄然一烘塵山川宛如舊多少未來人

獨樂園二首

獨樂園中客朝朝常閉門端居無一事今日又黃昏
客到暫冠帶客歸還上關朱門客如市豈得似林間

放鸚鵡二首

野性思歸久樊籠今始開雖知主恩厚何日肯重來
雖道長安樂爭如在隴頭林間祝聖主萬歲復千秋

呈樂道

歡遊俛俯皆陳迹薄宦須臾即色空試憶昔年雙桂會
只如前日夢魂中

和劉伯壽陪潞公禊飲

旌幢車騎滿沙頭鼓吹喧繁畫鷁浮十里羅紈光照地
千家簾幕遠臨觴隨洛水周公事月映鳳樓裴相遊
令典久墮火規切今更舉行聞美俗徧中州

南國雨霽景物粗佳懷楚正叔王安之

洛陽秋雨闌荒圃物華饒白鶴寒尤盛紅薇晚未彫烏

驚朱實墮雲滅翠岑遙揚子方嘲白相如尚苦疴

安之有疾

徘徊瞻望近邂逅笑談遼官冷慙無具相思不敢招

和潞公與張昌言楚正叔遊獨樂園徘徊久之

主人不至

茂勲成亮采勝賞寄風流閒引翹林客同為獨樂遊厭
居華宇盛翻愛弊廬幽愧不先操簞迎塵立道周

潞公遊龍門光以家室病不獲參陪獻詩十六韻

旌節擁憑熊逶迤向鑿龍順成時過蜡閉塞令行冬雪

壟痕猶濕梅林思已濃傳呼空谷應前導白雲逢飛蓋

多邀客停車數問農禹功雙壁斷佛劫萬龕重絕頂標

孤刹疎林透遠鐘氣蒸泉郁郁水綻水溶溶藥閣低臨

渚茅庵背倚峯凍醪資野酌寒筍佐晨餐

公作藥寮路
公庵闕庵

皆在
龍門基局移依石茶爐坐蔭松醉醒皆衆共大小盡公

從顧以私恩累難追勝賞蹤原思初不病叔夜亦非慵

稽古慙經筍摘華怯筆鋒會須參後來異日待從容

初夏獨遊南園二首

取醉非無酒忘憂亦有花
暫來疑是客歸去不成家
桃李都無日梧桐半死身
那堪衰病意更作獨遊人

和景仁答李才元寄示花圖

高士閒居舊名花獨步今
移從洛浦遠濯自錦江深
傳得巫山貌非因延壽金
不須天女散已解動禪心

近歲舉世

談禪獨景仁未耳今亦有空相之句故卒章戲之

或謂光嗤景仁談禪而自談又因用前韻為景

仁解禪

全宋文卷十一
賤子誤已久景仁迷自今良因拯溺急是致涉波深到
岸何須棹揮鉏不見金浮雲任來往明月在天心

題傳燈錄後

呬著聲聞酒便狂他州浪走不歸鄉誰曾縛汝安用解
彼自無創勿誤傷探月拾針傳妄語安居暇日賴先王
但令時世如三代達磨從他面向牆

奉和大夫同年張兄會南園詩

微字
伯常

露濃秋過半氣爽雨收餘取酒邀嘉客呼兒掃弊廬生

涯數畝地官業一軒書竹結垂綸屋泉分入座渠愜心
皆樂事容膝即安居梁靜栖無驚波澄戲有魚茂林穿
繚繞微徑步虛徐果落方知熟莎長不忍除過從常苦
遠接待每慙疎不厭茅茨陋時迂長者車

答張伯常之郢州塗中見寄

適意遺軒冕輕於鴻一毛扁舟千里遠佳句百篇豪酒
飲宜城美歌聞白雪高家林已春色慎勿滯江臯

獨樂園新春

春風與汝不相關何事潛來入我國曲沼揉藍通底綠
新梅剪綵壓枝繁短莎乍見殊堪喜鳴鳥初聞未覺喧
憑仗東君徐按轡旋添花卉伴芳樽

和潞公真率會詩

洛下衣冠愛惜春相從小飲任天真隨家所有自可樂
為具更微誰笑貧不待珍羞方下筯只將佳景便娛賓
庾公此興知非淺藜藿終難繼主人

景仁書云去冬因酒病耳病牙遂不入洛以詩

寄呈

許昌攜手盡時英，況復新開甲第成。
醉裏都將春作達，老來不向酒藏情。
齒疎無廢銜盃趣，耳病猶分度曲聲。
舊友昔遊渾忘却，可憐寂寂洛陽城。

又云新鑄鬴斛與今太府寺尺及權衡若合符
契復次前韻

裁筭累黍久研精，況復新修鬴斛成。
豈校忽微爭口語，本期淳古變人情。
既言樂律符今尺，但恐簫韶似鄭聲。

若欲世人俱信服鳳凰再集潁川城

王安之以詩二絕見招作真率會先以無從者

不及赴依韻和呈

真率由來無次第

來詩云真率會名今第幾

經旬踰月不為稀籃輿

但恨無人舉

今日軍士皆請糧不獲趨赴

坐想紛紛醉落暉

來詩云數酌仍

須就

晚暉

杯盤豐腴勝陶令園沼繁華減白家惆悵佳辰掩蓬蓽

不陪高會賞隣花

來示云不暇鄰花

用安之韻招君從安之正叔不疑南園為真率

會二首

榆錢凌亂柳花飛枝上紅英漸漸稀
莫厭銜杯不虛日
須知共力惜春暉

真率春來頻宴聚
不過東里即西家
小園容易邀嘉客
饌具雖無亦有花

二十六日作真率會伯康與君從七十八歲安
之七十七歲正叔七十四歲不疑七十三歲

叔達七十歲光六十五歲合五百一十五歲

口號成詩用安之前韻

七人五百有餘歲同醉花前今古稀走馬鬪雞非我事

紵衣絲髮且相暉

樂天九老詩云七人五百七十歲

經春無事連翩醉彼此往來能幾家切莫辭斟十分酒
儘從他笑滿頭花

別用韻

坐中七叟推年紀比較前人少幾多花似錦紅頭雪白

不遊不飲欲如何

其夕宿獨樂園詰朝將歸賦詩

平曉何人汲井華
轆轤聲發散春鴉
開園更有四五日
映葉尚餘三兩花
宿病岑岑猶帶酒
無眠耿耿不禁茶
自嫌行樂妨年少
遽索籃輿且向家

邀子駿堯夫賞西街諸花

今年節物非常晚
春盡西街花尚多
試問二三真率友
小車籃舁肯重過

呈張子賤朝散

名子新自安
邑徙居洛

近時洛社名真率
簞食壺漿取次遊
試問西來老朝散
可能同志便相收

和邵興宗秋夜學舍宿直

直舍逍遙度清夜
暫投逢掖解儒冠
高樓影背星河轉
疎竹氣兼風露寒
籬下黃花新藥亂
門邊碧柳舊株殘
折腰把板今無有
勿似陶潛遂棄官

和吳冲卿病中偶書呈諸同舍光時亦卧疾

病來門不掃秋草翳吾廬棄置賢人酒蕭條長者車冥
迷牀闥蟻潤溽篋生魚藥物從無繼葷瓢自有餘形神
寂可弔身世邈相疎何事文園客消中亦著書

月下小飲

美景賞心相值難良宵四座盡儒冠月華過冷衣襟潤
酒力易消樽俎寒自有笑談供逸氣不須絲竹借餘歡
坊樓五鼓吹殘曙桂影長先高興闌

舉首孤輪不似遙尊前狂氣出雲霄嫦娥不惜借丹桂

欲就高枝掛酒瓢

馬病

羸病何其久仁心到棧頭須憐首肯歎當認主人貧客
舍同蕭索山程共苦辛未能逢伯樂且可自相親

慶歷七年祀南郊禮畢賀赦

雷鼓千通破大幽天開獄鑰縱累囚驛書散出先飛鳥
一日恩流四百州

送張太博肅知岳州

嚴風秀木折為薪得罪由來為出羣粥粥黃鷄憎鶴介
芄芄青蔓掩蘭薰天資讒嫉多端巧人極精明不易分
飲水豈言吳刺史謗書翻似馬將軍波濤洶涌動寒野
樓閣焦蹇壓暮雲紅葉寺深秋暖見蒼山鍾迥夜清聞
何妨絕境聊為中正恐中朝亟用君身外百愁俱擲置
放歌沈飲且醺醺

和之美河西列岫亭

秋山對疎牖羈客倦登臨雨後嵐光活晴初落照深素

波明別浦赤葉照衰林佇目寂無語何人知此心

亭臯資遠矚秋思浩無涯鴈唼牽菱蔓童歌出荻花龍
荒猶叱犢枝暗稍栖鷗烟靄藏東渚憑軒莫望家

書事

志士喜功業感時心易勞蘗栽終枯柏荒蔓任蓬蒿梁
竦慵為吏蕭咸耻詣曹風霜果不變會見出雲高

釣魚有感二首

垂竿臨晚岸堅坐據莓苔餌落萍初散魚驚荷暫開有

求雖瑣細未獲且低回君識磻磻老曾垂綠髮來
野釣披榛竹無人知往來高空飛不下鷗鳥已相猜

憶龐之道

疇昔兩垂髫知音結久要何言半途別不待歲寒彫幸
有才名在非隨氣運消英靈猶髣髴宿草已蕭蕭

興宗約遊會靈久不聞問以詩趣之

勝地何坊行樂頻萬雙白壁不餘春臘醅已老久未壓
楊柳青青不待人

清明日興宗飲趙道士東軒

佳遊得令辰過此不為春
一境風光秀萬家烟火新
燕初飛玉殿草不染香輪
逼水蒲芽短圍隄柳帶勻
縱談高出古落筆健生神
日暮還醒去林花已笑人

上巳日與太學諸同舍飲王都尉園

冠蓋鬱相依名園花木稀
游絲縈復展狂絮墮還飛
積弩遺風陋蘭亭舊俗微
何如詠沂水春服舞雩歸

寄題洪州慈濟師西軒

登臨傳勝絕
悵息未成遊
山氣高凌霽
湖光碧照秋
烟疎茶竈迥
燈冷竹房幽
安得聊憑檻
蕭然洗客愁

傳家集卷十一

謹案卷十第十七頁後三行天真不必人修飾刊

本飾訛飲今改

卷十一第五頁前七行踽踽出東軒刊本踽訛瑤
今改

第十六頁前三行平曉何人汲井華刊本汲訛沒
今改



總校官庶吉士臣侍朝

校對官庶吉士臣何思鈞

謄錄監生臣茹灃